



ՅՈՎՀԱՆՆԷՍ ԹՈՒՄԱՆԵԱՆՑԻ

Օ՛ լուռ կաց, ընկեր. այդ ինչ ես երգում:
Ինչո՞ւ ես խաղաղ հոգիս փոթորկում
Ուրախ օրերի սիրելի երգով
Եւ սիրտս վառում անցեալի կրակով...
Քո ձայների հետ վաղուց հեռացած
Մի ուրիշ սրտակեր մոքումն երևաց.
Ահա, կենդանի կանգնեց առաջիս,
Եւ, ահա, դարձեալ կարօտ ականջիս
Հնչում է նորա ձայնը սրտալի,
Որպէս երբեմն, երբ սիրւած էի
Եւ մոքումն ահա լուսաւորւեցան
Հին ցնորքներս, անցքեր զանազան,
Գծերը հոգուս ծանօթ դէմքերի,
Տեսարանները հայրենի երկրի,
Այն օրհնեալ երկրի, ուր մի ժամանակ
Վայելում էի լիուլի հրճանք...
Բայց զրկւած եմ ես այժմ բոլորից.
Դու յիշեցնում ես կորուստս նորից—
Երջանկութիւնս մռայլ վիճակում
Եւ այդպէս անգութ սիրտս կտրատում...
Ո՛հ, ներում եմ քեզ, չեմ յանդիմանում.
Ձը գիտես, հոգիս, թէ ինչ ես անում.
Ոսկայն մի՛ երգիր այդ երգը ինձ մօտ,
Թո՛ղ, երգիր ուրիշ մի երգ անծանօթ: